

ხელშეკრულება სახელმწიფო შესყიდვის შესახებ №406

(საქონლის შესყიდვა)

თვითმმართველი ქალაქი ფოთი

18 დეკემბერი 2012 წელი

1. ხელშეკრულების მხარეები

ერთის მხრივ, თვითმმართველი ქალაქი ფოთი (ადგილობრივი თვითმმართველი ერთეული) შემდეგში „შესყიდველი“, თვითმმართველი ქალაქი ფოთის საკრებულოს თავმჯდომარის დავით ბაბილუას სახით და მეორეს მხრივ, ინდივიდუალური მეწარმე გიგლა თურქიას სახით, შემდეგში „მიწოდებელი“ - ვდებთ ხელშეკრულებას შემდეგზე:

„შესყიდველი“ თვითმმართველი ქალაქი ფოთის (თვითმმართველი ერთეული) 2012 წლის ადგილობრივი ბიუჯეტის სახსრებით, „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის დამტკიცების შესახებ“ სახელმწიფო შესყიდვების სააგენტოს თავმჯდომარის 2011 წლის 7 აპრილის N9 ბრძანების მე-3 მუხლის პირველი პუნქტის „ვ“ ქვეპუნქტის შესაბამისად, ობიექტის შესყიდვა შეიძლება განხორციელდეს გამარტივებული შესყიდვით, თუ ხორციელდება წარმომადგენლობით ხარჯებთან დაკავშირებული სახელმწიფო შესყიდვა.

თვითმმართველი ქალაქი ფოთის მერიის წარმომადგენლობითი ხარჯებიდან, ქალაქი ფოთის საკრებულოს თავმჯდომარის 2012 წლის 12 დეკემბრის №564 ბრძანების საფუძველზე, გამარტივებული შესყიდვის საშუალებით, სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უწმინდესისა და უნეტარესის ილია მეორის საიუბილეო თარიღის აღნიშვნასთან დაკავშირებით, „შესყიდველი“ ყიდულობს, ხოლო „მიწოდებელი“ ყიდის ხატმწერის მიერ შექმნილ პატრიარქის პორტრეტს (შემდეგში „საქონელი“).

2. ხელშეკრულების ობიექტის დასახელება, კლასიფიკატორის კატეგორია

- 2.1 ობიექტის დასახელება – ხატმწერის მიერ შექმნილი პატრიარქის პორტრეტი (იხ.დანართი №1)  
2.2 შესყიდვის საშუალება – გამარტივებული შესყიდვა.  
2.3 შესყიდვის კატეგორია – 18500000 – სამკაულები, საათები და მონათესავე ნივთები;  
კლასიფიკატორის (CPV) კოდი – 18530000 – საჩუქრები და ჯილდოები.

3. ხელშეკრულების ღირებულება

- 3.1 სულ ხელშეკრულების ღირებულება შეადგენს 2700 (ორი ათას შვიდასი) ლარს, საქართველოში მოქმედი კანონმდებლობით გათვალისწინებული გადასახადებისა და სხვა ხარჯების ჩათვლით.

4. შესყიდვის ობიექტის მიწოდების ვადები და პირობები

- 4.1 შესყიდვის ობიექტის მიწოდების ვადები:  
- საქონლის მიწოდება დაიწყება - 2012 წლის 18 დეკემბერს  
- საქონლის მიწოდება დამთავრდება - 2012 წლის 20 დეკემბრის ჩათვლით.  
4.2 შესყიდვის ობიექტის მიწოდების პარალელურად, მიწოდებული ვალდებულია წარუდგინოს შესყიდველის უფლებამოსილ პირს, შესაბამისი დოკუმენტაცია (მიღება-ჩაბარების აქტი, სასაქონლო ზედნადები).



## 5. ხელშეკრულების შესრულების გარანტია

- 5.1 შესყიდვის ობიექტის ხარისხი უნდა აკმაყოფილებდეს ამ სფეროში არსებულ, საქართველოში მოქმედ სტანდარტებს, ხელშეკრულების პირობებს და შემსყიდველის მიერ განსაზღვრულ მოთხოვნებს.

## 6. ხელშეკრულების კონკრეტული მოქმედების ვადა

- 6.1 ხელშეკრულების კონკრეტული მოქმედების ვადა განისაზღვრება, ხელშეკრულების ხელის მოწერის დღიდან და მოქმედებს 2012 წლის 31 დეკემბრის ჩათვლით.

## 7. შესყიდვის ობიექტის ანგარიშსწორების ფორმა და მიღება-ჩაბარების წესი

- 7.1 შესყიდვის ობიექტის მიღება ფორმდება მიღება-ჩაბარების აქტის საფუძველზე. მიღება-ჩაბარების აქტს ხელს აწერს თვითმმართველი ქალაქ ფოთის საკრებულოს თავმჯდომარე.
- 7.1 მიწოდებელთან ანგარიშსწორება განხორციელდება - ლარებში.
- 7.2 შესყიდვის ობიექტის მიწოდების ღირებულების ანაზღაურება მოხდება უნაღლო ანგარიშსწორებით - (გადარიცხვა).
- 7.3 ანგარიშსწორება შემსყიდველის მიერ მოხდება მოწოდებული საქონლის მიღება-ჩაბარების აქტის გაფორმებიდან არაუმეტეს 20 (ოცი) საბანკო დღის განმავლობაში.

## 8. ფორს-მაჟორი

- 8.1 მხარეები არ არიან პასუხისმგებელნი თავიანთი ვალდებულებების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებებით, როგორცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ადგილობრივი ბიუჯეტის დეფიციტი, თუ ისინი უშუალო ზემოქმედებას ახდენენ ხელშეკრულების შესრულებაზე. ხელშეკრულების შესრულების ვადა გადაიწევეს შესაბამისი დროით, გარემოებათა დასრულების შემდეგ.
- 8.2 თუ სახელშეკრულებო ვალდებულებების მთლიანი ან ნაწილობრივი შეუსრულებლობის პირობები გაგრძელდა 10 (ათი) დღეზე მეტ ხანს, მხარეებს უფლება აქვთ შეწყვიტონ ხელშეკრულების მოქმედება, კომპენსაციის უფლების მოთხოვნის გარეშე.
- 8.3 მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს.

## 9. სხვა პირობები

- 9.1 ხელშეკრულების შესრულების კონტროლს შემსყიდველის მხრიდან განახორციელებს თვითმმართველი ქალაქ ფოთის მერიის კულტურისა და ძეგლთა დაცვის სამსახური.
- 9.2 ხელშეკრულება შედგენილია ქართულ ენაზე, ხუთ ეგზემპლარად, რომელთაგან თითოეულს აქვს თანაბარი იურიდიული ძალა და ინახება კელომწერ მხარეებთან ერთი - მიმწოდებელთან, ერთი - თვითმმართველ ქალაქ ფოთის საკრებულოში, ერთი -



თვითმმართველი ქალაქ ფოთის მერიის საფინანსო და ეკონომიკური განვითარების სამსახურში, ერთი - თვითმმართველი ქალაქ ფოთის მერიის შესყიდვებისა და მატერიალურ - ტექნიკური უზრუნველყოფის სამსახურში, ერთი - თვითმმართველი ქალაქ ფოთის მერიის კულტურისა და ძეგლთა დაცვის სამსახურში. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

- 9.3 წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის წერილობითი ფორმითაა შედგენილი და ხელმოწერილია მხარეთა მიერ.
- 9.4 აღნიშნული ხელშეკრულებით გაუთვალისწინებული საკითხები რეგულირდება მოქმედი კანონმდებლობით.

### 10. მხარეთა იურიდიული მისამართები და რეკვიზიტები

„შესყიდველი“

„მიწოდებელი“

თვითმმართველი ქალაქ ფოთი  
(თვითმმართველი ერთეული)

ინდივიდუალური მეწარმე

თვითმმართველი ქალაქ ფოთის  
საკრებულოს თავმჯდომარე



დავით ბაბილუა

მის. ქ. ფოთი, დ. აღმაშენებლის ქ. №12  
სს „საქართველოს ბანკი“ ფოთის ფილიალი

ა/ა GE 49BG000000912389300 ბ/კ BAGAGE22  
ს/კ № 215138143



გიგლა თურქია

მის. ქ. ფოთი, მოწერელიას ქუჩა №25  
სს „საქართველოს ბანკი“ ფოთის ფილიალი

ა/ა GE 34BG00000008855584 ბ/კ BAGAGE22  
ს/კ № 42001000275

საქონლის ფასებისა და მიწოდების გრაფიკი

№	საქონლის დასახელება	რაოდენობა და განზომილება	ერთეულის ფასი ლარებში	საერთო ღირებულება ლარებში	მიწოდების ადგილი
1	ხატმწერის მიერ შექმნილი პატრიარქის პორტრეტი	1 ცალი	2700.00	2700.00	თვითმმართველი ქალაქი ფოთი
	სულ			2700 ლარი	

„შემსყიდველი“

„მიმწოდებელი“

თვითმმართველი ქალაქი ფოთი  
(თვითმმართველი ერთეული)

ინდივიდუალური მეწარმე

თვითმმართველი ქალაქი ფოთის  
საკრებულოს თავმჯდომარე



დავით ბაბილუა



გიგლა თურქია



## ს ა ქ ა რ თ ვ ე ლ ო

თვითმმართველი ქალაქის - ფოთის საკრებულოს თავმჯდომარის

## ბ რ ძ ა ნ ე ბ ა



№ 564

12 / 12

2012 წელი, ქალაქი ფოთი

სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უწმინდესისა და უნეტარესის ილია მეორის საიუბილეო თარიღის აღნიშვნასთან დაკავშირებით გასატარებელი ღონისძიებების შესახებ

ასოციაცია „ფოთი და ფოთელები“ 2012 წლის 30 ნოემბრის N6 წერილით ითხოვს, რომ თვითმმართველი ქალაქი ფოთის (თვითმმართველი ერთეული) წარმომადგენლებმა ქალაქი ფოთის საზოგადოების სახელით მიულოცოს საიუბილეო თარიღი სრულიად საქართველოს კათოლიკოს-პატრიარქს, მცხეთა-თბილისის მთავარეპისკოპოსს, ბიჭვინთისა და ცხუმ-აფხაზეთის მიტროპოლიტს, უწმინდესსა და უნეტარესს ილია მეორეს, რომელიც გაიმართება 2012 წლის 24 დეკემბერს.

ზემოაღნიშნულთან დაკავშირებით, მიზანშეწონილია თვითმმართველი ქალაქი ფოთის (თვითმმართველი ერთეული) 2012 წლის ბიუჯეტის წარმომადგენლობითი ხარჯის მუხლიდან, სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უწმინდესისა და უნეტარესის ილია მეორის საიუბილეო თარიღის აღნიშვნასთან დაკავშირებით გასატარებელი ღონისძიებისათვის, კერძოდ: სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უწმინდესისა და უნეტარესის ილია მეორის პატივის მისაგებად ხატმწერის მიერ შექმნილი პატრიარქის პორტრეტის შესასყიდად გამოიყოს თანხა - 2700 ლარის ოდენობით.

„ადგილობრივი თვითმმართველობის შესახებ“ საქართველოს ორგანული კანონის 38-ე მუხლის მე-5 ქვეპუნქტის შესაბამისად,

### ვ ბ რ ძ ა ნ ე ბ ა:

1. თვითმმართველი ქალაქი ფოთის (თვითმმართველი ერთეული) 2012 წლის ბიუჯეტის წარმომადგენლობითი ხარჯების მუხლიდან, სრულიად საქართველოს კათოლიკოს-პატრიარქის, მცხეთა-თბილისის მთავარეპისკოპოსის, ბიჭვინთისა და ცხუმ-აფხაზეთის მიტროპოლიტის, უწმინდესისა და უნეტარესის ილია მეორის პატივის მისაგებად ხატმწერის მიერ შექმნილი პატრიარქის პორტრეტის შესასყიდად გამოიყოს თანხა - 2700 ლარი.

2. თვითმმართველი ქალაქ ფოთის მერიის შესყიდვებისა და მატერიალურ-ტექნიკური უზრუნველყოფის სამსახურმა აღნიშნული ბრძანების პირველ პუნქტში მითითებული საქონლის შესყიდვასთან დაკავშირებით მოამზადოს სახელმწიფო შესყიდვების შესახებ ხელშეკრულება და გაატაროს სათანადო ღონისძიება.

3. თვითმმართველი ქალაქ ფოთის მერიის საფინანსო და ეკონომიკური განვითარების სამსახურმა უზრუნველყოს ანგარისშწორება სახელმწიფო შესყიდვების შესახებ ხელშეკრულების, მიღება - ჩაბარების აქტისა და თვითმმართველი ქალაქ ფოთის მერიის კულტურისა და ძეგლთა დაცვის სამსახურის მიერ წარმოდგენილი სათანადო დოკუმენტაციის საფუძველზე.

4. ბრძანება ძალაშია ხელმოწერისთანავე.

თვითმმართველი ქალაქ ფოთის საკრებულოს  
თავმჯდომარის პირველი მოადგილე



მაგდალინა მენაბდე

საფუძველი: „ადგილობრივი თვითმმართველობის შესახებ“ საქართველოს ორგანული კანონი და თვითმმართველი ქალაქ ფოთის მერიის მოადგილე, მერის მოვალეობის შემსრულებელის 2012 წლის 11 დეკემბრის 1/05/3153 მომართვა.

შემსრ: იურიდიული განყოფილება